

和6
465
2



并序堂集卷之三

小野傳子傳甫卷
男 章惟新校

在
海
外
印
信

印

五言絕句

看風明月耀清

風到掃路東坡夕常墟十橋的無盡天


河邊玉堂

五言絕句

看風明月耀清

風到掃路東坡夕常墟十橋的無盡天

和16
詩165
卷之



井井堂集卷之三

小野傳子傳甫著

男 革惟新校

明治廿五年二月廿七日
森鴻以郎氏寄贈



亨

五言絕句

清風明月壚酒債 幾回問 蘇氏律對

飛廉朝掃路素娥夕當壚 斗柄酌無盡天

河是玉壺

六子詩

答晦翁作六先生贊余倣之揭荀卿以
下六子近似者賦小詩

荀子

積力道心微立言其庶幾同門殊戶去性
惡一何違

董子

下帷常對冊千歲一醇儒明道又正誼後
生學謝濡

毛子

漢儒多失理大毛更近似刪後五百年葩
經傳資始

揚子

儒門豈聽熒揚子德惟馨恨為候芭信太
玄漫擬經

王子

廢廬汾水曲講道沂儒流階世隱君子每

晞伊與周

韓子

魏人莊與騷文章一韓豪萬古誰無仰以
南山斗高

去歲陽月妻夢月雲萬里白句覺而
語之余數吟欲賡載而忘之丁巳孟
春二十一日夜半開窓雪後月晴暗
似所夢句因足成之

年後梅吐香瓊枝綴玉璧雪暗春夜闌月
雲萬里白

春日即事

遲日石河濱出門韶色新吟筇行不進花
柳一般春

癸酉春丁告辭

泗水沂淵源異邦仰聖言仲春當上丁清
酌薦蘋蘩

次韻小川子二首

嚮予與諸友遊于東叡山亭臨別小川
子賦詩示予歸路和之忽忘其礎歷日
見村伯行次韻而賡載之

清詩一唱中語盡意無窮行見文章富先
聞大雅風
雅會綠陰中詠觴興未窮再遊何約處明
月與清風

七言絕句

元日七首

一夜乾坤生意回先繙曆字有窓梅遙知
新歲椿萱砌和氣春風入壽杯
殘夜雨晴雞日新八荒同軌俗還淳韶華
到處仁風遍占作堯紅舜紫春
遭逢獻節頌花時霞綵雲光曉陸離有脚
東風賓出日江山無處不溫其

萬里時和歲也豐絃歌新曲轉黃公三朝
肇建江山麗窓曙春初決八風
雨暗韶畧滿天衢草木真成生意敷春到
東方君子國仁風和氣稱唐虞
雨晴風暖向三微萬物隸通霞四圍中有
臘前梅葉破新春擅縞一深衣
風破梅心取次芳彩霞簇簇漏韶光儒林
將繼箕裘業且喜春窓鸞畧長

丁未新正始着官賜野服其制上衣
下裳大帶垂紳微晦翁云

新被恩榮元會辰衣裳楚楚着儒紳門符
自任蹊桃在野服遭逢雲谷春

水戶府逢春

千里行春鸞喜遷常陽城裏遇新年戴星
朝會三元日紫閣籠霞瑞靄連

謹和 大君元日金韻

戊申元日在水戶府大君有一佳製
言及元元旦舊歲勞致仕老臣祖割饗
之贍賜金帛撫育之情可推之知曰忘
固陋奉和金礎以攄鄙懷

青陽忽轉律回春玉曆新繙月建寅比屋
熙熙惠風遍負暄鼓腹太平民

奉和我君已酉歲旦玉韻

窓曙鳴禽喚起春宮前梅柳占芳辰願言

要取東君德君德日新民亦新

卒次岡道仙歲首試觚

傍簷喚起鳥聲春坐酌椒醪祝令辰淑氣
渡江梅玉色喜看環堵接芳鄰

和白子中試毫

殘雪回頭富士巔韶光滿面武城天春風
瑞日程明道千歲萍泖伊洛淵

次從弟慶友元日韻

江山日麗屬芳辰雁字寄來詩句新
蝶夢迷花家萬里鄉心遠望洛陽春

又二首

鴈叫江雲過小扁一封書信眼終青憐君

平日醫林外藝苑尋芳漱六經

還鄉夢覺倚柴扁池上春風芳草青記得

洛陽三月錦落花是緯柳絲經

和奉優亭林君新詩

東海風溫春意生朝霞片片水雲程
玉梅讓色山礬發一樣化工難弟兄
兄梅洞卒
翌年元旦

故落句
及之

和白子中試筆

暖入陶泓筆意新文房雅友遇良辰
勸君更豁讀書眼燕日遲遲學海春

和醫生原貞順元旦

東風更斡大鈞回曆日開端小字梅窻曙

新詩試毫暖屠蘇醉裏惹春來

人日立春

東方欲白曙雲開風解堅冰陽又回七日

魚逢立春節縷人絲燕鬪新來

曉鷺

海日初昇出谷鷺旦將鼓吹動詩情金狻

繫馬新春曉婆餅焦聲耳暫明

辛丑如月袒別宅生順歸常陽卒賦

一絕追和王維陽關詩韻

城上雪花飛玉塵春風頻縮柳條新樽前

豈擬陽關別東到常州亦故人

雲谷桃蹊

忍岡釋菜題詠

建陽山麓好投棲元晦相攸歸去兮雲谷

桃花春幾度絳霞蒸處下成蹊

春山如笑得少字

天工巧入畫工妙描出青山景多少更將

文君翠黛粧添得春葩含風笑

山家霞

薜荔攀援一小家春風吹斷滿山霞却疑
仙客朝餐後樓角紅綃處處華

花盛

暖入園林春色加鶯枝燕朶襯朝霞風翻
紅紫爛如錦絕勝河陽一縣花

鷓鴣

彩霞散綺四山幽淑氣先催黃粟留春樹
喜遷書牖下一聲聲似誦蒙求

前川花柳

春丁釋菜

花容柳色九旬春杖屨傍隨程伯淳最愛
前川流水好浸紅浸綠淨無塵

柳絮得庚字

池塘勝日雨初晴糝徑楊花片片輕風織
青絲飛絮處金梭拂朶一倉庚

人日後朝

堯階繙曆八莫開人日堂堂穀日來生菜
春盤已狼藉粧殘玉色一枝梅
丙午春丁忍岡釋菜同賦花外小車
匪唯群萼艷春庭崇德閣中惟德馨花外
尋思邵康節小車輾輾青青

遲日江山麗

麗日彩霞陽艷辰鶯聲風暖喜幽人長江

如練山如笑花柳高低一樣春

夜思花

獨坐思花對短檠春來聞說滿山櫻枕衾
微曉芳情切一夜莊周夢未成

梅邊讀史

簾外一枝花動唇閑繙細帙史林春梅窻
讀了開天事坐見新粧冷太真

柳絮

顛狂柳絮自縱橫
隄上皚皚拂地輕
吳雪楚花風捲盡
旌旗高颺亞夫營

舟中載花

小艇携花行問津
蓬窻郁郁占芳辰
潮連孤島歸帆晚
載得紅雲一朵春

戊申季春十九日我君恩顧于白

黃園辱賀家翁七十年算翁賦一絕

君貺高和坐客同
賡載焉僕亦同韻

太喜家嚴壽考遐
頻催盛宴祝年華
不才何用獻圖贊
風暖五湖春浪花

三月盡

三月盡時花寂寥
流鶯惜別旋遷喬
無端日暮東風手
似送行春縮柳條

春雨憶故園

柳色黃時離洛水
桃花開日在湘頭
終朝春雨望鄉處
雲暗關山奈客愁

和紀乙輝泛篠苦池倭歌末字

短棹乘涼冒綠池
池澄荷淨兩相宜
優游一詠一觴裏
夏日西傾總不知

旅亭夜雨

夜雨蕭蕭四五更
旅亭獨坐憶西京
村園門巷雖相異
檐滴添愁同一聲

曉到熱田

水上無波七里船
朝來着岸熱田邊
太真

院是紫宮否縹渺紅雲花島前

庚子八月二日登那須山望白河關

遠遊東土八州間
臨水登山又有山
桃李花時出京洛
秋風今見白河關

客中中秋

萬里無雲一鏡圓
通宵吟詠倚欄干
長安每賞中秋月
不意今觀東海瀾

杜鵑

宿處近山間不遲薰風吹動杜鵑枝可憐
蜀魄思鄉恨今古綿綿無絕期

旅邸聞子規

卧聞杜宇過幽扉鄉思枕邊陰雨微鳥亦
舊聲吾亦舊年年共道不如歸

西行柳陰納涼

埒上納涼新綠深清流好洗予心向來
蟬脫暑塵去吟露乘風垂柳陰

五月菊

三四花開滋菊黃孤芳五月引秋涼北窻
偶慕羲皇睡夢入柴桑籬落香

甲辰閏五月弘文院學士林先生携

諸弟子訪家公于白賁園新居公呈

一絕先生賜和諸弟子亦賡載之因

同其韻

衡宇飄零今再修雲煙深鎖自清幽薰風

到處稱君意喜見瓊琚互唱酬

六月三日遊我君谷島別墅

川流漱口角田水夏雪盪胸富士巔探借
秋涼高樓上千般風景買江天

長松夏寒

綠蔭淒淒風韻竒長松樹畔暑來遲油雲
凍雨高林上瀉出歲寒千尺姿

夏教以詩

綠樹陰陰布鯉庭更教九夏執葩經南風
緜卷詩三百早晚切磋携汗青

和答端亭迂兄

昨承教諭時陪上公奉命徑走朱老
先生及晡遠家盃漱捧讀圭復數矣就
審向辱枉駕茅屋生輝聞懸河論極增
愉快只耻寒厨寂寞無雞黍之薦若夫
沿池荷花水亭晚涼聊稱君意則爲不

虞之賞而已君不以余不似蒙惠佳篇
并甜瓜詩係樊川之風瓜縮東陵之地
因爲賡和以謝厚庇
蓮濯清漣送夕涼芳姿素質是非常玉葩
帶露宓妃珮綠柄搖風韓壽香
田田擎盖雨餘肥瓊萼凌波露未晞為惜
荷花忽狼藉夏天苦熱畏風威

脩竹不受暑

脩竹團欒一水隈薰風入徑掃塵埃此君
爲有持清節不使炎蒸惡客來
北窓涼風入
炎暑初消向夕陽北窓容膝對幽篁閑居
自適淵明意一道清風一味涼
檐外薰風入戶樞艾人對我眼先青今朝
應被靈均笑菖酒盃中醉未醒

曉聞杜鵑

推枕擁衾聞幾回聲聲如怨又如哀曉更
偶作還鄉夢却被杜鵑驚破來

記夢詩并序

丁未四月十九日昧旦余夢遊行街市
市一大筆傍人亦就市廛同買而余得
其尤焉管駟色管尾刻三皇虞三字字
飾以金意甚喜之既而寤厥明以語僚

友僚友曰夫夢者想與因也不必有其
應不必無其驗武丁夢賚良弼至恍惚
也而傳巖惟肖是故周公以六夢占吉
凶自是以降史傳所載其應之著者不
可枚舉請舉其一二夢大筆如椽者王
珣也夢五色筆者江淹也李白夢筆生
花才思日進此數子者皆上世之宏才
也乃今占子之夢筆者寫胸中之所思

而大筆載古今之事三皇為伏羲神農
黃帝五帝始于金天氏而終于有虞然
則子於三墳五典義明理順而文才自
此進余胡廬而笑曰子之解夢恰似樂
廣乃知魯中無膏肓之疾矣雖然子之
所稱皆古之英俊也余區區短才何以
當之唯不如屈子之無杭無旁以為足
乎遂戲勒三皇虞賦詩抒情以告僚友

微雨傍簷間味醅蠹編舒卷自研覃案頭
竟日尋生計胸次洒然讀五三
雨餘新綠滿池塘幽草茸茸入夢芳睡起
蕭然北窓下微涼得意比羲皇
竹籬茅舍武城隅境靜塵囂一點無綠蔭
緡書有深味不知流日下西虞

七夕

烏鵲橋邊邂逅時風飄雲帳月鈎垂漢皇

長恨今何在，不似二星無絕期。

初秋書事

僻地衡門來客踈，井桐一葉報秋初。
研朱點易孤燈下，旦喜新涼入我廬。
七月八日始聞鴈，枕簟涼風秋暗生。
叫雲新鴈始堪驚，住居低濕近湘水。
聽得南來第一聲。

奉和家君中元

清月如盤七月望，風迴簾外送新涼。
江都城裏中元夜，滿院燒燈映桂光。

中秋二首

暮雲四捲雨新晴，秋半分光一鏡清。
端正遭逢異鄉月，林棲見羽眼增明。
書堂秋半乘涼水，上亭天河露滴桂花馨。
清光不隔今宵月，四海一家眼更青。

中秋雨

待月凭欄空失望西風陰雨氣淒涼今宵
合得知微術穿却蟾宮引桂光

八月十六夜

十六夜來秋色涼東峯吐月入書堂兔脣
縱有一分缺蟾魄何無千里光

池上賞月

一鏡浮光一鏡晴金波風靜水天清漢官

秋色十分月影入影娥池上明

漢武望月
臺西有影

池娥

九月十三夜醫家翫月

月浮河漢湧金波露冷秋深爽氣多
擣藥求生仙窟兔數盈方技十三科

橋月

一鏡當空眼界明水光倒照玉龍橫
板橋

霜瓦却無跡人影紛紛蹈月行

朱文公詩
蹈月過橋

晚驚易

秋夜寓懷

空塔夜色自凄其萬木秋高葉下枝何處
將傷壯夫意蛩音和月五更時

八月十二夜霖雨乍晴月色清明

霖雨乍晴涼氣侵清光皎皎豁胸襟靜吟
瑩徹無瑕月呼起延平千歲心

蘭以秋芳

淡碧幽蘭和露栽新涼拂檻送香來此花

不忘騷盟久楚畹秋風取次開

延平秋月

己酉秋丁釋菜

萬木飄零秋影清儒林德秀李延平看來
一樣窓前月惟有冰壺徹底明

高岡梧桐

釋菜後宴

蕭索西風入嶧陽碧梧秀立一高岡清陰
爲對仲尼月疑見鳳兮遺德光

謹次

上公浦口翫月高韻

楓落江冷浦口舍岸巾待月立渚下玉盤
濺出銀濤中清光翻雪也竒夜

奉和節後菊

節過徑荒驚也猜滿枝籬菊爲誰開殘芳
不改黃裳色以待幽人歸去來

弟梅洞林君小祥忌

瞥爾居諸容易遷露侵秋艸北印前西風
永訣思君淚雙袖未乾過一年

挽幡一雲叟

桑榆景迫暮風頻厭世乘雲忽脫塵舊識
神交千里友訃聞尸解九原人

弟原氏哭妻

屏幃寂閨幾彌旬鬼白早歸泉下人連夜
真成白炊夢悲風吹起鏡奩塵

病中寄人

三日病來心不全蒲團紙帳夜悽然只對

爐火無他計湯藥歌冰手自煎

水甌滌筆

唔呶聲斷對書燈試呵毫端碎硯冰半夜
窓前一甌水寒從洗筆手中凝

寄松祝

庭松卓立歲寒姿黛色青青貫四時本
大夫官奕葉茂陰祝得子孫枝

冬日牽牛花

秋去牽牛猶後凋蔓生縈架玉英飄一冬
花重素羅笠擬見吳天積雪朝

元老風軒丹治叟齒屆古希我君
祝其壽賜几杖使群臣賦詩歌賀之

因奉鄙詞

我君羽翼國千城七十休官一老成忝祝
遐年恩賚厚儿安身體杖扶行
望月氏惠狗皮蒲團斑爛可愛因

寄小詩

狗皮蒙茸作蒲團席上冬溫膝易安難撤
臯比做張子應今癡坐辟初寒

溪冰煮茶

夜下寒蹊汲澗泉歌冰煮茗當爐邊竈中
聊適王休意一鼎雲腴一篆烟

雪後月

清光滿朶雪花凝忽失鄰家白一層有影

月與無影月窓前併作讀書燈

丁未除夕

意長歲促奈學習更到今夜百憂襲一年
又過下坂輪壯齡似輻共三十

除夜三首

送舊迎新總幾回風光瞥爾又相催今宵
燈下一年事點點紛紛和雨來
烏兔互催輾兩輪偏驚節物旅情新常陽

守歲原兄宅話舊稱觴坐待春
坐坐行行過日日來來去去送年年和燈
欲盡人間臘守歲
送春到曉天

除夜立春

東風帶暖滿池塘
春色幾多滯遠方
臘酒菜盤相計會
送迎舊歲與新陽

曹植求自試表

一篇上表語奇新
七步詩才怨未伸
若使

君王聽所請
擒權馘亮屬斯人

巫山

巫山高峙勢崔嵬
十二峯頭翠色開
楚子去來唯寂寂
朝雲暮雨入陽臺

送荻子擴還水戶

春風分手送無言
可羨花時歸故園
想像登臨好山水
峯高河落筑波根

巖瀑

銀河直下玉繩清
冰雪詩曾洗俗情
仙客斫開巖石上
飛流百尺濺雷聲

開書遇昔

案頭終日更如愚
師聖友賢塵事無
要取典謨閑讀破
坐來咫尺遇唐虞

奉和家君送余赴常陽

驛馬高嘶武野風
旅鴻飛去筑波東
寒村行處梅將放
省識生陽造化功

九月盡日賞菊

九十西風欲盡頭
坐來對菊思悠悠
詩愁每向東籬破
無此花爭耐此秋

送數原通玄赴駿府

去路漫漫山水隈
含情送別立徘徊
杏林雨足春風暖
到處應醫病草來

先考大祥日綴小詩以漏哀

壬子秋

淚痕滴露思深長
切切撫絃屬大祥
滿面

秋風哀未盡朝來暮去已三霜

展重陽

迎客開筵吟意長風光况屬展重陽東籬
節後浹旬日再賞黃花稱酒觴

和串元善冬至韻

天時來復地中雷物象先知陽氣回試問
繙書幾行否巧添數字竹籬梅

賀養軒村老翁七十算

七十年高溫和飽休又看孝子學而優君風
聊有恩波及老壽須添海屋籌

癸丑元旦時年三十六

一般生意滿江濱自得從來物象新朝坐
梅窓讀周易要看三十六宮春

落花

雨濺芳園風滿樓閑吟着眼在枝頭惜春
情逐落花切一片飛晴一片愁

謹和 世子賦並頭蓮

濃豔駢頭鏡裏天
晨粧花貌更娟娟
西風香動樂遊苑
瑞日分陰並蒂蓮

斛律明月 應錫島信濃守需

英氣風高雲解時
彪身伴影耀功名無端

一夜關西月反照
長安城裏明北齊本傳

明月周將軍韋孝寬忌光英勇作

謠言曰百升飛上天明月照長安
丁巳元日

弁章新意向陽回
依舊人逢老境開
四十今朝年不惑
如何暮景動心來

圓夢詩

丁巳上元夜族兄坦菴夢育花葉三字
覺而記之余原之有可祝者二首者養
也長也養長花葉則無不結子故知它
日其多子矣昔董奉醫病今愈者種杏
株數年成林故知兄醫業益振肩從董

氏杏園花葉蕃茂遂足成之以爲一絕
春入蓬萊麗日遲暖霞瑞靄自熙熙杏園
陽煦育花葉疾見綠陰子蒲枝

丁巳春備後守岡君伯將作元日詩
投下焉拜讀數過謹攀高韻奉上臺

下

乾元氣轉薦時新黃鳥梅花也可人一唱
瓊章遺雅韻不才猶愧和陽春

一對吾兒

丁巳歲我在水戶十月念六曉偶夢還
江府妻及二子相見歡悞半覺欲作一
詩有優人池田某余所嘗識平生目不
識字忽來告曰今子作詩以二子爲一
對吾兒余詰其無來處答曰薛能詩謂
二弟爲一對吾弟豈其不然乎既而全
覺未聞薛能有此句正知夢中之又夢

莞爾遂記焉

一對吾兒與一妻候門迎我互提携晤言
未半霜鐘響夢覺旅檐殘月低

井井堂集卷之三 終

井井堂集卷之四

小野傳子傳甫著

男 革惟新校

七言絕句

客中元日 戊午

宦遊境遠遇新正偏感風光驚我情春曙
友于行處在一枝梅葉一聲鶯

蠟梅

黃蠟裁成別樣工清芳微破領寒風分來
梅葉暗香潔寄與醪醇春色濃

早春

己未歲應

世子命

東海雲霞簇瑞祥黃鸝日暖自舒長對花
有約結佳實百子帳前梅作粧

後凋亭

亭在白井信胤別墅

長松後凋百尺高主人築亭意思好開軒
極目風霜嚴中有大夫持清操

謹次備後太守岡部公己未元日

魚躍鳶飛道已通滿腔春氣眼前窮勸君
更記東君德光被黎元揚惠風

和家妻元日詩

晨揮彤管賞新春東戶霞連東海濱應見
百花持富貴暖風吹煦草精神

花帶雨得元字

紅白後先將斷魂笠檐滴露樂遊園頻催

番信春場雨恰似探花競狀元

三月盡日偶見家妻暮春一絕曰鶯

聲喚起苦相對灼灼園林滿朶花香

雪紛飛風雨後頻催春怨夕陽斜予

亦用其韻以攄懷云

宦路涉灘春又暮年年長恨少看花韶華

欲盡思無盡吟對西山日影斜

閏中秋翫月

庚申歲

天借人間一夜遊此年兩度遇中秋重明
何用知微術乘興再登庾亮樓

庚申除夕

莫矣歲云新歲催瞥然四十有三田一盃
臘酒一爐火先覺春霞生面來

辛酉春

夙讀典謨教兩兒嫩鶯語澁答唔呶春窓
暗覺初陽到試寫新詩手不龜

和

妻三好氏

嬉戲迎春兄弟兒能言
繙卷共唔呷南枝日暖
梅花白卜得豔陽無待龜

和家妻黃中歲首

三元肇建屬三陽且喜雙兒一奉嘗
家有椒花陳氏頌津津和氣滿穹蒼

贈隱者

靜坐自誇無事民也遭泉石惱吟身官羈

不識山林趣勝景猶歸世外人

中秋

廣寒宮裏暮雲飄爽氣一團銀扇搖
昨夜未盈明夜缺十分秋色屬今宵

予爲備前守丹公講易啓蒙翌日惠

以清酒一罇因賦小詩謝之

秋雨淒然秋霧昏
昔州從事忽敲門微醺
讀破堯夫易三十六宮春氣溫

霞添春色

瑞彩煌煌出海濱
遠連紫陌簇紅塵
經天緯地霞千縷
織得洛陽錦綉春

山寒花遲

嶺上餘寒去又來
更無番信動芳腮
山深失路陽春脚
二月中旬花未開

春日吟步

勝日杖藜吟步頻
九旬韶景又爲塵
繁花

不待宦之暇
嗟我年年少賞春

春日遊谷中有感

杖屨尋芳只此辰
况逢風景自鮮新
當初同賞人何處
今日花開又一春

秋夜吟六首

仲秋十二夕
秋色清朗余開戶
對月家兒在傍倚
兒學字偶書淵明
秋月揚明輝
句請余作詩
余莞爾曰善哉
汝之請

也自此夕至十六夜戲課作秋夜吟用
此句分爲韻礎

金風吹散碧雲收月吐清輝不礙眸
盃酒澆胸軟飽後喜看娥影向中秋

十三夜天晴月清

蕭颯西風拂林樾玉兔嬋娟出仙窟
江泌窓前偶繙經中天月映仲尼月

十四夜晦陰無月

二七秋容望渺茫期晴待月夜更長
清罇素瑟宴雖設雲鎖桂宮明未揚

中秋陰雨霰霏

秋色平分思不平孤燈微曉尚檐聲
由來今夜萬夫望會被天心慳月明

十六夜霖雨未霽

二八秋高細雨飛桂花露重冷侵衣
奈何三夜沒清影生怕頑雲掩月輝

十七夜雨晴月好聊解連夜之茅塞因
以秋月明輝冠于各句
秋霖乍霽潤長空月照初更曲檻東明鏡
今宵雖若缺輝盈四海八紘中

癸亥仲夏常州太田旅店簡下川子
十歲隔離秋也春相逢之處語周諄千行
別淚旅窓雨明日東西兩地人

亂道一首答下川詞兄寄示

夜恐衣誤

雨足郊原綠草肥昏濛天氣易熹微班荆
語舊十年事無奈子規頻濕夜

次韻答雲堂上人

解脫高標松鬱鬱棲遲逸友菊鮮鮮清談
竟日相逢處賴有詩盟尋舊綠

綠恐緣誤

除夕書懷

一介豎生萬卷書頹然又是過三餘反隨
兒輩待春到自笑童心猶不除

瓶裏梅

綉幕護持清操新此兄好伴玉堂人讀書
窓下銅瓶水養得江南一朵春

春夜

初更吐月玉無瑕靜坐蕭然興味加春色
惱人今又古半庭影在半庭花

春日書事

簾外花開紅白黃春風吹動百和香雨晴

天朗小堂靜一轉流鶯送夕陽

八月十六夜向曉月晴

連夜陰冥思未休雨晴月皎五更頭若無
砧杵驚殘夢不見清光空過秋

九月十三夜

倚欄遊賞古今同月冷露寒殘菊蕪氣爽
窮秋十三夜寬平御宴僚遺風

新館酌史

新營高館構文場載筆含英班馬香東觀
陪君酌前史襪材應慚乏三長

花下偶作

鬢黷櫻雲掩竹扉香風吹送滿人衣却疑
天上玉龍動殘甲敗鱗作雪飛

櫻下春遊

櫻樹風搖白雪香雅遊待宴共稱觴鶯歌
蝶舞三春晚一醉坐花忘夕陽

丙寅之春子新始言詩次韻規祝他
後

黃鶯出谷谷風催經史花迎春暖開記取
管公將慧悟始言詩句照星梅

丙寅二之日赴常陽水戶朝發江府
奮發北風寒透衣別於老景易歔歔踏霜
衝雪常陽路山上有山何日歸

丁卯夏和子革壽詩

懸弧致慶樂無疆
宣子開筵更詠觴
大衍短著今過揲
猶期高壽到龜長

再步前韻謝大串元善惠壽序

半百將開老境疆
又逢誕節共稱觴
當時李謚出藍去
祝壽篇成道味長

一之日訪霍山主人坐闌適見暘城

主豐公佳製遂用其韻攄情二首

膏發嚴寒向北風
一團春氣醉郛筒
坐來

茶沸爐灰底
夜雨連床談露濃

適見陽春古雅風
佳篇酬答屢連筒
無聲

詩與有聲畫併入
揮毫妙手濃

豐公能畫
又能詩故

之言

答暘城主豐公三首

傳嚮過族家
偶見暘城主
豐臣公詩漫
賡其韻簡于
桃源公不罪
不敬却辱高
和二章并自
圖山水一幅
傳鄂然謂鄙

句經電矚爲過素志况賜高和乎公之
善畫都鄙之所稱最爲難獲而今傳獲
之亦何幸哉藏之篋笥以爲家珍謹分
高韻冠鄙句首遂作三絕漏謝意之萬
乙
風送梅香寄信來卷舒薰誦幾回開碎金
詩句幅繡畫摸寫幽情見異才
筒裏絲牋文藻摛格高體雅更清竒夜燈

吟翫趣無盡千首英才傳杜詩
濃抹淡粧氣象幽一望千里豁吟眸化工
別入毫端去山作崔嵬水作流

雪後月

瑤園月五數千頃階砌雪堆盈尺強一夜
窓明讀書好孰從江泌與孫康

戊辰元日口占二首

時年五十一

大衍數推殘臘遷梅花開曆又添年靜觀

上下春陽遍鳶戾天了魚躍淵
妻子宜家事即休齡遇半百亦長脩茅簷
溫飽遇春畧施施自誇千戶侯

春有仁德應命

東君位育德康寧花臉含情柳眼青麗日
舒長遽如許仁風到處物流形

風靜花香

檐外櫻雲白日長瓊枝不動駐斜陽樹梢

忽被微風觸漏洩濃花一段香

春日書事

公務對花公退花春來日日飽看花開時
堪賞落時恨老去心忙總爲花

垂絲櫻

一樹櫻花寺院傍垂絲裊裊雪吹香遠望
白髮三千丈近見細腰成楚粧

我家有紅牡丹一根鮮紅如染血古

詩曰數苞仙豔火中出因名仙豔紅
又名染血紅

異香片片墜虛空花動牡丹叢裏風疑是
漢宮仙掌玉化成嬌豔數苞紅
花事自塵春事空牡丹唯有殿東風何論
姚魏誇顏色贏得我家仙豔紅

菊

安積氏新開幽徑多栽菊花史館諸賢

賞之題之綺句繪章頗滿詩囊余欲企
瞻誓遲浹旬兄憶花謝去而投數枝感
佩不已聊綴鄙句寄題園裏

一叢豔菊帶霜開投我數枝吟幾回餅裏
風搖黃色舉却疑胡蝶追香來
安積之庭菊吐奇黃黃白白壓枝枝玉樓
金屋漆園夢應入君家遠竹籬

管相把菊

不獨飛梅隨澗溟，菊懷管率德音馨。風刀月鏡總無用，好把黃花制頽齡。

己巳上元立春

新陽初動上元天，水面凍融魚躍淵。時候相催兩佳節，傳柑生菜欲奚先。

清明登墳

永訣從來二十霜，花顏含笑睹垣牆。墻間洒掃清明雨，雨露既濡青草芳。

竹樓春望 高良山十景

勝日風溫一竹樓，琴聲詩韻轉清幽。登臨決背煙霞外，花柳無邊春色浮。

花下即事

韶色春深鎖竹扉，櫻花粧點玉妃肥。白雲枝上凝眸久，翻向晚風成雪飛。

惜春

老來轉耐惜年華，燕晷猶嗟暮景斜。九十

日春容易過，攣拘世事幾看花。
分尊韻二十八字同賦詩得當字。
風物吟成錦繡腸，驚人新語玉鏘鏘。
登得倒元白，鏖戰詞鋒誰可當。

關谷霜葉

天留勝景眺望奇，霜葉爛然如錦時。
遊客停車關谷上，楓林照眼夕陽遲。
水戶吉田祠得瑞字。

比木高架吉田祠，神威赫赫鎮此地為遺。
武尊東征蹤至今，籠宮叢雲瑞祠古叶

九月十三夜

金桂影寒秋正深，倚欄醉賞促新吟。
此宵記得寬平詔，明月無比古又今。

九月十五夜

林疎秋晚露華寒，三五晴明月正團。
記取當時西府夜，可憐管相帶憂看。

夢中詩

已巳秋九月初四日曉夢還故里予家
嘗在京師五條新玉津島巷行入舊識
某家先考先妣在坐見予歡甚徐曰今
日主人設浴招我汝幸浴焉予浴畢侍
側考妣愉色和樂面貌如曩昔侍坐之
時所見也心誠悅之既而請過井上氏
亦同鄉所相識也將出戶偶失予履先

妣命着先考之履既入井上舍僮僕歡
迎家人執席坐定井上氏曰公今親近
水戶相公祿位共貴非昔日之人預知其
進而爲執政然則吾曹可同坐而居乎
予莞爾曰執政吾豈敢焉而昔日之舊
亦不可忘請偃足而語歡娛遷時依然
半覺猶未全寤悟其爲夢擁衾惆悵恍
乎綴一絕當此時鄰雞唱晨候蟲響枕

始寤標然正知夢之又夢起而挑燈記
之

故里秋風一枕頭
黍炊歡樂却生憂
夢還鄉與鄉成夢
吾亦不知蝶也周

追和管相把菊詩

管相摛文見錦沙
滿叢菊映筆頭
花名俱遺像儼然
在千古德風唯一家

鵝毛菊

風舞鵝毛冬景遮
雪香籬下又將又吟身
若得右軍筆合寫
道經換此花

池邊楓

林葉飽霜開畫圖
池澄夕霽廣如湖
岸楓倒影清波靜
巧濯紅綃繡藻鳥

早梅得風字

梅嫌繚亂百花紅
獨向寒村野處濃
步步涉園林識春
近一枝書信寄番風

至日贈寒菊數枝于桃源主人

歲序遷移至日來讀書堂裏幾行哉梅花
不覺一陽復唯寄牆陰寒菊開

除夜

官祿稱身不敢負迎新送舊一閑人三五
歲酒微醺後和暖忽通天地春

偶成

二月江頭春色粧遊蜂戲蝶欲相狂杖藜

不厭沾衣雨處處東風花吐芳

春雨

連日昏濛寒食辰簷聲啟耳幾愁人雨師
似妬繁花豔歌作紛紛滿地塵

惜花

塵裏偶偷半日閑獨尋春色步登山繁花
絕是無情思飛去猶嫌對老顏

菊是草中仙

百卉具暉秋露新
南陽佳色動花脣
煉金種玉傲霜菊
呼做羅浮黃道人

見小園櫻花有感

手接園櫻二十春
年年樹下賞芳辰
花顏不改昔時態
獨感吾頭白髮新

春日即興

三月江頭欲暮春
無邊風景一般新
舊時與友遊斯地
今日花飛使感人

立秋夜

枕簟涼風秋暗生
銀河爽氣向初更
井桐一葉山中曆
好自今宵愛月明

中秋會鍊齋翫月
遂分西山公高句
為韻得斯字

薄暮岸巾三五時
金風吹動桂花枝
緬悵今宵西山上
清月皎了談露斯

辛未閏八月十五夜

暮天凭檻屢回頭雲鎖蟾宮思未休五十
四年端正外閨餘三賞此中秋

再步前韻謝答鍊齋主人惠芳和

雲鬢雙眸雪冒頭宦情老去世情休詩盟
不背騷壇上玉露清談又幾秋

閏八月十八夜雨晴月明

宿雨初收萬里晴玉蟾照處露華清天公
有意秋餘閨應爲騷人愛月明

安積子嚮賜高和自後徐步菊徑用
前韻賦餘興予不勝感佩再賡之

秋高積雨半陰晴露重東籬爽氣清栽菊
題詩日成趣擬看千載一淵明

松下鶴

孤樹亭亭晚翠重臯禽擇蔭立從容靜觀
同氣本相應千載鶴棲千載松

山寺

霜後葉黃秋色新
岫雲嶂霧去來頻
四望寂歷山中寺
蕭索西風愁殺人

雨洗白菊

菊如白雪雨如絲
花上皚皚露滿枝
想得太真新睡覺
華清賜浴洗凝脂

曉月

曉天霜冷掩柴扃
秋色斜明月半庭
落葉滿階枯樹影
菊殘籬下點寒星

官園霜葉

楓葉飽霜十月天
官園賜宴坐瓊筵
夕陽風定水清淺
岸上影沉池底鮮

病中

老去病來身不安
茅檐月冷夜更闌
爐邊當酒只湯藥
霜曉衾寒眠亦艱

和妻黃中雪後月和歌末字

折竹聲聲西又東
程門學習逐遺風
起開

窻戶自竒夜雪滿前林月滿空

三月晦日與友遊行偶吟賈島詩遂
同其韻

九十韶光將盡日登山忽忘倦遊身明年
誰識老年健泣向晚風留別春

寄友人

人世浮沉古又今豈須形役正勞心投棲
海浦有閑趣春賞煙霞秋月陰

端午雨

菰黍蒲觴時節催濛濛天氣屬黃梅終朝
檐滴門無客唯有艾人侵雨來

水邊螢

菰葉涼搖夜氣清群螢渡水得風輕暗飛
點點影相落潭底星流滅又明

菊有延年術

白首歸來籬菊芳傲霜花映八眉霜一甌

貯得南陽水能制頽齡使壽長

節後歡猶在

節去園荒黃菊開籬邊徧遶立徘徊霜餘
猶有秋香在旦見白衣携酒來

正月二十四日始聞鶯

破曉聽鶯頻起予一聲黃鳥告春初餘寒
語澁呂望句恰似兒童始讀書

春夜雨

韶華欲盡暮春天萬紫千紅共競妍一夜
檐前風雨惡爲花傷意不安眠

飲宴者何以春秋備考成也何爲飲

宴我年老眼昏而無官暇非累歲無

病何以終卷是所以爲喜也

魯史屬辭無闕文彰今考古解紛紜仲尼

日月明千歲君子小人道自分

次小宅重信韻

元祿癸酉小宅重信齋屆耳順九月五日喜遇誕辰子孫集會為賀重信戲作詩遠寄于予欣然以賡載焉
到老嗜文竇氏癡子孫獻賀萬年厄壽詩
吹索揮毫處南極添華照硯池

九月十三夜雨晴月明

倚欄薄暮屢擡頭霖雨乍晴心已休吟賞
今宵無比月寬平遺事仰千秋

菊 應輪王寺一品法親王命

糾園秋爽肅霜催菊傍階前三徑開陶後
尋思虎溪笑此花猶伴遠公來

次韻再住正法山嶽禪師元日

一氣昭回天下春山林市朝物皆新嶺頭
梅樹返魂處風骨清香玉絕塵

菴號嶺梅
故言之

春晚四首

燕語鶯吟春晷遲一年樂事屬花時東風

吹散山櫻樹白雪飄空手不龜
酷憾花時雨掩扉春輝却是易
燾微白櫻
強學海棠睡又向晚風作雪飛
半開半落午風輕人到花時雙
眼明春艷
九旬堪共老對吾三十有三兄
靜涉園林滿面風幾回遶樹覓
殘紅年年
為悼春花落積作皤然鶴髮翁

良耿齋惠古本大字詩韻余年老眼

昏方今披之甚便觀覽不耐欣
抃聊賦小詩以謝之

惠吾詩韻見與薪老眼繙來席上
珍恰似金篦除瞽膜忽望雲漢數
星辰

和紀一之月前納涼和歌末字
雨後新晴月正中夜涼吹動自南
風探支秋爽高樓上露滴天河星
摘空

秋月得盡字

今夜遊賞被君引
冰輪初上氣淒緊
乘月行吟一老身
不覺鐘鳴漏又盡

唐載大串生還鄉留別

滿面秋風滿鬢霜
矧將離思使人傷
明朝合作銷魂別
却喜西歸畫錦鄉

再步前韻攄情

一為異客幾三霜
每唱式微心自傷
宦路聊違壯年志
白頭猶未得還鄉

水仙花

冰雪肌膚翠袖揜
寒花玉骨獨幽妍
黃梅為表白梅襯
葱葉借神姑射仙

元日口占

春風寄信齒如干
強伴兒曹薦菜盤
窓曙霞連老年眼
曆梅字小苦難看

見普門院牡丹得穠字

馳逐春光走惠風
異香妖豔獨何穠
疑看

紅白花開處夜月朝暎墜一叢

三月盡

綠暗紅稀三月晦春光欲盡暮江天吟身
將與流鶯老忽別東風共慘然

八月十六夜

竒遇仲秋十之一二三四五六宵晴清光
應比連城壁剌照桂輪前後明

見南京八景圖

遠淡近濃風景摸丹青妙奪化工敷坐來
恍入南京域掩卷始知斯畫圖

丙子元旦口號

梅返冰魂柳展眉暖風和氣滿天涯新年
先喜君恩及男仕公朝女結縞

井井堂集卷之四終

井井

...

...

...

...

...

...

